



Bilboko
Elizbarrutia
DIÓCESIS DE BILBAO



**EZAGUTU
NAHI DUZU
JESUS?**

2. ERANSKINA

ERAGILE, KATEKISTA ETA GURASOENTZAT

Delegación de Anuncio y Catequesis
Fede- Zabalkunde eta Katekesirako Ordezkaritza

Ezagutu nahi duzu Jesus? ¹

Denok entzun dugu zerbait Jesusi buruz. Berataz zer ezagutzen dugun da kontua. Askok ezagutzen dugu gauzaren bat Haren inguruan, baina Bere atzean dagoen misterioa ez ezagutu, ez esperimentatu gabe.

Jakina, horrela zaila da Jesusekin lotura seriorik izatea, zailtasunik txikienaren aurrean Berarekiko lokarriak hautsi eta egunerokotasunean Jesusen erreferentzia zehatzik gabe bizi gara.



Penagarria da bataiatu askok Jesusen nortasuna sakon ez ezagutzea, bere atzetik dagoenaren, bere uste sendoen, ikasleei Berarengan Jainkoaren semea aitortu zuten arte burututako prozesuaren berri ez izatea.



Gaia garatzean, "arraina" aukeratu dugu sinbolotzat. Hasierako kristauek agintari erromatarren jazarpena jasan zutenean erabili zuten sinbolo sekretua da. Arraina hainbat aldiz agertzen da Ebanjelioan; ohiko elementua zuten, asko eta asko arrantzale baitzen. Gainera, grekoz, arraina "ixcis" esaten da eta hitz hau "Jesukristo Jainko Salbatzailearen Seme" delakoaren akrostikoa da (inizialez osatutako hitza). Hori dela-eta, ezkutuko kode bihurtu zen beraiantzat: irudia ikustean, Jesusen jarraitzaile bezala agertzen zuten beren burua, etsaien beldur izan gabe.

Ez gara Jesusen eta bere ontasun eta irakaspenen miresle hutsak. Bere jarraitzaileak gara. Gure bizitza haren begien bitartez ikusi eta ulertu behar dugu. Are gehiago, Jesus da gure jokaeraren erreferentzia-puntu nagusia.

Ebanjelioez balia gaitzke Jesus ezagutzeko. Ez dira kontaketa biografikoak, baina Hari buruzko datu historiko esanguratsuak jasotzen dituzte.

- Jesus, Nazareteko familia apal batean jaio zen eta Jose eta Maria ziren bere gurasoak. Arrazoi teologikoak medio, Mateo eta Lukasek Jesusen jaiotza Belenen kokatzen badute ere, seguruenik K.a.ko 4an hil zen Herodesen erregealdian jaio zen.
- Aramera izan zen bere ama-hizkuntza.
- Jesusek Nazareten bizi izan zituen haurtzarora, gaztarora eta helduaroko lehen urteak, landa-eremuko giroan eta aitak artisau-lanetan ziharduela.
- Hogeita hamar urte ingururekin ekin zion Jesusek jarduera publikoari. Aldaketarako mugimendua sustatzen ari zen Joan Bataiatzailearen berri izan ondoren, haren mezua entzun eta bataioa hartu zuen bere eskutik Jordan ibaian eta, gainera, esperientzia esanguratsua bizi izan zuen. Galilean ekin zion jarduerari profeta ibiltari bezala, hainbat jarraitzaile inguruan zuela.
- Galileatik Jerusalemera doa eta han 30. urtearen inguruan gurutzean josita hil zuten.

ANEXO PARA DINAMIZADORES, CATEQUISTAS, MADRES Y PADRES

- Jainkoaren Erreinua iragartzen eta aurkezten du berri on eta askapen bezala eta lagun hurkoarenganako maitasuna, gauza materialak ez lehenestea, barkamena, betiko bizitzan itxaropena jartzea eta Jainkoaren esperientzia aldarrikatzen eta sustatzen ditu.
- Hizkuntza erraz eta berariazkoa darabil. Bere parabolak, bereziak dira. Ez du bere buruaz hitz egiten. Jainkoaren errukiaz duen esperientzia helarazi nahi digu.
- Bere jarduera sendagarriaren eraginez hedatu zen bere ospea (sendatzaile ugari zegoen garai hartan). Jesusen sendaketa asko eta asko miraritzat jotzen zen.
- Jesusen entzutea hedatuz zihoala ikusita eta bere jarrera zirikatzaileaz –oso kritikoa zen lege juduak ezarritako hainbat ararekin- gogaituta, Israeleko agintarien amorrua gero eta handiagoa zen; gainera, baztertuak zituen lagun, bekatarien lagun bihurtu zen, hartu-emanen zuen emakumeekin, farisearren itxurakeria moralaren aurka agertu zen, Jainkoari aita esaten zion eta Jainkoaren semetzat zuen bere burua...
- Azkena gertu zuela jakinda, azken afaria ospatu zuen ikasleak agurtzeko; ostean, atxilotu egin zuten bere adiskideetako baten laguntzarekin, eta bakardade gordina sumatu zuen atxiloketaren unean. Epaitu eta tratatu txarrak jasan ondoren, heriotzara kondenatu zuten. Bere buruaren eskaintza hori eredugarri da, izan ere, bere bizia eman zuen eta maitasuna adierazi gu guztiengatik.
- Handik egun batzuetara, lehen ikasleek, krisialdi latzaren ostean, uste osoz iragarri zuten “Jainkoak Jesus hilen artetik berpiztu” zuela.



♦.....

¹ Parrokiako familia katekesirako 2.gidatik hartuta, 1. gaia, Ezagutzen duzu Jesus??, 3 .eta 4. or. Etorri eta ikusi! gida pedagogikoa